



Plata dla Ploania Antermëia Sant'Antone Abat

Ploian: **siur Klaus Sottsass**
E.mail: klsottsas@rolmail.net
Curat: **siur Paul Campej**
E-mail: campei.paul@rolmail.net

Calonia: 0474/520012
Siur Paul: 380 7345533
Siur Klaus: 344 1554055

UNITÉ PASTORALA



VAL BADIA
www.unitepastorala.org

Ann C

**06.03.2022 - 13.03.2022 - Pröma domënia de
Carsëma | domënia dla dlijia te ciasa**

n. 15

Ci é pa emportant por la porsona?

📖 Deut 26, 4–10 | Rom 10, 8–13 | Lc 4, 1–13

Dal Vangele do San Lüca:

Te chël tēmp ¹â Gejù, implì dal Spirit Sant, lascè le raiun dl Iórdann, y é gnü condüt dal Spirit por caranta dis incērch tl desert, ²olach'al é gnü tentè dal malan. Al n'â mangé por döt le tēmp nia, mo canche i caranta dis ê passà, âl fan. ³Dailò ti à le malan dit: Sce t'es le Fi de Dî, spo dî che chësta pera devētes pan. ⁴Gejù ti à respognü: Al sta tla Scritöra: Le chestian ne vir nia mâ de pan. ⁵Dailò l'â le malan condüt sön n crēp y ti à mostrè te n momēt düc i rēgns dla tera. ⁶Y al ti à dit: Döta la potēnza y la gloria de chisc rēgns ôi te dè; ciodich'ai m'è gnüs surandà a mé, y iö ti ai dà a chi ch'i ô. ⁷Sce te te pētes jö dan da mè y te m'adorēies, sarà döt to. ⁸Gejù à respognü: Dan dal Signur, to Dî, desste t'injenedlè y sorvì ël su. ⁹Sön chëra l'â le malan condüt a Ierüsalem, l'â metü sö insom le tēmpl y ti à dit: Sce t'es le Fi de Dî, sciürete jö da chilò; ¹⁰ciodiche la Scritöra dij: Al comana sü agnui de ciarè de tè ¹¹y: Ai te portarà sön sües mans, por che to pé ne ciumpēdes nia te na pera. ¹²Sëgn ti à Gejù respognü: La Scritöra dij: Te ne desses nia mēte le Signur, to Dî, ala proa. ¹³Do chēstes tentaziuns s'un é le malan jü demez da d'ël cina al tēmp metü.

Oraziun dl de



Periun! Dî onipotēt, te nes scinches chësta santa Carsëma sciöche tēmp de converjiun y de penitēnza: lāscesse, cun la zelebrazion de chësc tēmp sant, jì plü sot tla conescēnza de Gejù Crist y demonstrè cun na vita de fede la forza de süa redenziun. Por nosc Signur Gejù Crist, to Fi, che é Dî y vir y regnëia cun tè tl'unité dl Spirit Sant por düc i secui di secui.

📖 *Letöres dla Secunda domënia de Carsëma:*
Gen 15, 5–12.17–18 | Fil 3, 17–4,1 | Lc 9, 28b–36

Edema liturgica dai 06.03. ai 13.03.2022

2022	Ora	Mëssa
1^a DOMENIA 06.03 DE CARSEMA <i>les ciampanes inviëia</i> <i>dales 19.00 ala oraziun</i> <i>te familia</i>	9.30 10.00	<i>Staziuns (Omi/ei)</i> Gran Mëssa por la comunité <i>siur Klaus</i> families Winkler, Tru
LÖNESC 07.03	8.00	s. Mëssa ++ da Ciasanea
MERTESC 08.03	17.00	<i>Staziuns</i>
MERCUI 09.03	7.25	s. Mëssa di scolari ++ Prada
JÖBIA 10.03	17.00	<i>Staziuns</i>
VENDRES 11.03	7.25	s. Mëssa ++ Zelestina y Pire Unterweger
SABEDA 12.03	18.00	s. Mëssa prefestia <i>ital.</i> aniv. + Sepl Moling
2^a DOMENIA 13.03 DE CARSEMA <i>oferta por la dlijia</i>	9.30 10.00	<i>Staziuns (fomenes-eres)</i> Gran Mëssa por la comunité a onur de s. Ujöp aniv. + Teresa Ferdigg



Informaziuns y terminns

Staziuns: sce val sorvidú/essa ó gní de süa buna a sorví dales staziuns él sambëgn bëgn odü.

Le Comun de San Martin de Tor chir apartamënc o poscibilités de alberch por podëi ti dé **n daciassa ai profugs dl'Ucraina**, che mëss sciampé dala vera; ara se trata dantadöt de ëres y mituns. Sce valgügn ess val' da mëte a desposiziun o oress avëi informaziuns sön les poscibilités, Ves periunse da se lascé adintëne te comun, al numer 0474-524368 (ofize demografich). Dilan bele damperfora!

Aldiënza dla defensuria zivica a San Martin en vëndres, ai 11 de merz, dales 14.00 ales 17.00 tla ciasa de comun, ma sön prenotaziun: 0471 946020.

CONSËI DE CÖRA –

Chisc è i mëmbri y sües inciaries ti desvalis grups dl consëi , gnüs litá o partis sö dala sentada costituënta:

<p>CONSËI DE CÖRA Silvia Schanung Forer: presidënta Georg Daverda: vizepresidënt Lucia Clara Oberpertinger: scrivana Lucia Frontull Chizzali Lidia Trebo Erlacher Waltraud Rubatscher Pamela Palfrader Paratscha Pepi Tasser Loise Unterweger Kircher(cooptada)</p>	<p>TEAM PASTORAL Incundaziun: Pamela Palfrader Paratscha Liturgia: Waltraud Rubatscher Caritas: Lucia Frontull Chizzali Aministraziun: Bernhard Ellecosta Coordinaziun: Silvia Schanung Forer</p> <p>RAPREJENTANC TL' UNITÈ PASTORALA VAL BADIA Lidia Trebo Erlacher Lucia Clara Oberpertinger</p>
<p>CONSËI D' AMINISTRAZIUN Siur Klaus Sottsas Bernhard Ellecosta Pepi Tasser Gottfried Zingerle</p>	<p>COMISCIUN POR LA CORTINA Siur Klaus Sottsas Giorgio Costabiei Silvia Schanung Forer Georg Daverda Loise Unterweger Kircher</p>



GEBETSMEINUNG
DES PAPSTES FÜR

März



I periun por i cristians che á da to dezijiuns de bioetica, ch'ai defènes inant la dignité de dōta la vita umana cun la oraziun y l'impègn sozial.

Carsëma –

„Sëgn èl chilò le tèmپ dla grazia; sëgn èl chilò le dé dla salvëza.” (2 Cor 6,2 - parores de S.Paul tla 2. lëtra ai Corinc)

Gejú ê na porsona sciöche nos. Gejú á vit tentaziuns – sciöche nos. Y al è tres la maiü tentaziun, se sintí y se mostré plü stersc co na porsona. Se mëte al post de Dî, anfat te ci forma. Tl iudiché atri, savëi döt sön le monn y sües regoles, tl respogne ala lisiera a dōtes les domandes dla fede. Ince a Gejú ti vëgn le satanich pomez y ti dij: sides na porsona, devënta plü sterch co che te n'ess. Mo Gejú regolëia satan y dij: ester porsona o dí, reconësce la grandëza de Dî .. (da image)

Mësses a Rina:	Dom 8.30 Dedol 19.15 Jöb 7.25 Sab 19.15 Dom 8.30
Mësses a San Martin:	Dom 9.30 Dedol 19.00 Jöb 7.30 Sab 19.30 Dom 9.30

	07.03 - 12.03.2022	Raphael R. - Marie
	13.03.2022	Thomas - Joel C. - Karol - Lisa
	12.03.2022	Iaco Ellecosta
	13.03.2022	Margareth Irsara
	<p>Les mius aodanzes por le compliagn ti fajunse a Irsara Pietro (85) y Chizzali Davide (81). Döt le bun.</p>	

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | 0474 520044 o 3803520465
www.unitepastorala.org | www.comun.sanmartindetor.bz.it